

LENIN TUJ VЬLƏT

(По ленинскому пути)

Maj 11 lun 1937 god
№ 53 (1502)


Подписная плата:

На 1 год 14 р. 40 к.

На 6 мес. 7 р. 20 к.

На 3 мес. 3 р. 60 к.

АДРЕС РЕДАКЦИИ:
п. Кудымкар Свердловской области



SSR Sojuzlən zasluzonnəj arxitektora arxitektura akademik A. V. Šcušev keris naukaez akademijališ glavnej zdanņo proekt, kəda loas stroitəm Moskvavn.

ŠNIMOK VЬLьN: SSSR-iš naukaez akademijalən glavnej zdanņo akademik Šcušev proekt šerti.

VKP(В) Okruzkomlən, VKP(В) Kудымкарskəj rajkomlən da Okrispolkomlən organ.

Jorttez, vьləzьk levtə kəzan tєmppez da kačestvo!

Termašə kəznь!

Maj 8 lun kezə mijan okrug tulьssa kəzan plan tьrtis vəliš 48,8 proc., vьlə. Setiš: Kašovskəj rajon tьrtis—58,2 proc. vьlə, Jurinskəj—52,8 proc., Kудымкарskəj—46,2 proc. Gain-skəj—42,8 proc., Jušvinskəj—41,9 proc., Košovskəj—37,7 proc.

Mukəd kolhozzez vazьn-ni bolševistskəja kutčisə čulətnь tulьssa kəzan kad i šuovəj kultura plannez tьrtisə: Čassinskəj kolhoz (predsedatel Olxov), Asanovskəj (predsedatel Isakov), Arxangelskəj (predsedatel Krivosokov), Sašerovskəj (predsedatel Sašerov).

Maj 10 lun kezə tьrtasə šuovəj kultura kəzan plannez kolhozzez Pesnigortskəj šelsovetiš: Ivukovskəj, Bojarskəj, Soironovskəj i mukəd kolhozzez. No setən-zə Pesnigortskəj kolhoz, sija ənəz kəziš šuovəj kulturaez toko 18 proc. Kolhozlən predsedatel Totmjanin uməla veškətlis kəzan kadən, sijen kolhoznikkez petkətišə postanovlenno: čarkьnь sija predsedateliš.

No eta jeeə. Čulaləm kadša urokčez mьččalənь, sto kьz kolhozzez pondasə uzavьnь siž-zə, kьz i ənəz uzališə, sek tulьssa kəzan kadša lunnez čulaləsə. Maj 6 lunə mijan okrug kəziš 3500 ga. Kьz eta tєmppezən kəznь, to sek kolə esə kəznь 15 lun. Mijan okrugn em 21 tьšəca uzališ vəv, no uzalənь toko 13 tьšəca vəv. Eməš una kolhoznoj predsedatellez, kьz suam Podgorskəj, Pesnigortskəj i mukəd, kədna

sь tužə medvь burzьka veškətlьnь kolhozьn—nija ətmədərə veš satlašənь.

Vьd kolhozlə šetnь plan, brigadalə—šetnь kəzan zadanno, traktornəj brigadalə—vit lunša plan, medvь ovjazatelnəja tьrtiь šuovəj kulturaez kəzan plan maj 11-j lun kezə. Kolhoznoj rukovoditellezlə, kolhoznikkezlə kolə vezərtiь, sto kin kьskə kəzətnь—sija otsalə klassovəj vraglə. Kəznь čozazьk da burzьka—əni medvьzьt zadača.

Mijan okrugn kolə kəznь 8800 ga šemejnəj učas-tokkez. No kin tadə, una-ja kəzišə? Kьz veritnь zav. OKRZU Isakovlə sija vištalə, sto okrugn kəzišə 50 ga! A kьz jualan Kудымкарskəj MTS-iš starsəj agronom Rьkovliš—sija vištalas:

—Me nem og təd!

No kin-zə dolzen tədnь? Kin-zə dolzen eta vьznej-səj deləən veškətlьnь?

Oz kov vunətnь i kačestvo jeliš. Mukəd kolhozzeznь, kьz Verx-lьvenskəj, kəzənь kajjez ponda. No kьeəm urozaj nija dumajtənь vošnь? Seeəm morttezkət kolə peššnь, kьz kolhoznoj vraggezkət! Nija ənišan-zə ləšətnь ne urozaj, a vačkənь kolhoznikkez i gosudarstvo inčeressez kuza.

Burzьka suvtətnь mas-sovo-političeskəj uz kolhoznikkez da traktoristtez koləsnь. Levtnь nь koləsnь staxanovskəj dvizenno, organizujtnь socialističeskəj sorevnovanņo bьbbez vьlьn. Eta zadača sulalə vьd partijnəj da nepartijnəj bolševik ožьn.

Šev pomalam askadə

Pjaťinskəj kolhozis pervəj brigadaiš kolhoznikkez da kolhozničaez VKP(В) okruzkom vьuroliš postanovlenno, maj 11 lunəz šev pomaləm jьliš pantalənь ьzьt podjomən. Maj 6 lunə Pjaťina dєrevnən vəli brigadnəj sobranno, kəda vьlьn kerisə itoggez šev čulətəmnь. Brigadir Pirogov vištalis eta sobranno vьlьn, sto nija kəzəmaš 75 procent vьlə i kьzi pondasə kəznь seeəm-zə tєmppezən, nija etna-zə lunnezə koknita vermasə pomavьn kəzətnь.

Pjaťinskəj brigadalən eməš prekrasnəj kolhozničaez-udarničaez, kədna kolhoz pašta mьččalənь ьzьt obrazeccez: Zubova Jevdokija Kuzmovna gərə 0,71 sotkaez, sija bur gəriš, sija vura gərəm ponda məjmu premirujtləmaš kьkiš. Zubova Natalja Prokopjevna gərə 0,60 sot-

kaən. Zubova Matrjona Pavlovna gərə 0,56 sotkaən,—„sija i ožza goddezas ne uməla uzavliš—vaitə brigadir Pirogov, ez gərlə 0,40 sotkaən-ša jeeazьk“. Matrjona Pavlovnaəs ožza goddezas toze premirujtləmaš-ni.

Itoggez kerəm vəgnь kolhozničaez petkətišə postanovlenno, kornь socsovevnovanņo vьlə Tixonətskəj brigadaiš kolhoznikkezəs, med nija toze končitišə šev maj 11 lunəz.

Zubovaez delə vьlьn pondisə pьrt-nь oləmə aššinьs šetəm kьv. Maj 7 lunə ašvьnas 6 čas vəlišə ьv vьlьn-ni. Nija tədənь, sto vьlьn urozaj pəžə vošnь toko askadə da bur kačestvoən kəzəmaš, toko vьlьn urozaj-ən pəžə zavojujtnь zazitočnəj kolhoznoj olan.

TURKIN

V-lьnəvən kəzənь kajjez ponda

V-lьvinskəj kolhoz (predsedatel Tomilin Petr Mixajlovic) məjmu gəriš zav uvte 100 gektar gəgər. Tavo eta zav vьlət kolhoz kəzə ošaez. No kьz-zə sija kəzə? Veškəta pəžə vištavnь, sto kəzənь vreditelkəja. Zьn kəzьssə kojalisə kieznənьs, zavssə kəžəž ez pinalə, ne ez kultivirujtə, a sьvəgnь pinalisə kuim šledən. Məd zьnsə kəzišə konnəj sejalkeazən, no zavssə siž-zə ez kultivirujtə, a toko uməlika pinalisə. Sijen, sto uməla nebzətišə zavssə, kəzьsьs zьnьssə unazьk vьdəs

vevdəgnь—vižətan: čočkom toko. Kьeəm urozaj pəžəs, vižčišnь eta vəgnь? Nekьeəm! Vьdəs kəzьssə vevdərish šojasə kajjez—nija kət spašivo vištalasə Tomilinlə. Kolhozis predsedatellən nekər juris oz sajkavь, naprokod pirujtə, vetlətə V-lьnə va ułicaezət da xuliganitə. Kolhoznikkez əddən nedovolənəš aslanьs predsedatellən. Vьdəs etə əžžə šelsovetiš predsedatel Polujanov, no nekьeəm mərəez oz prinimajt.

Kolhoznik

Abu nekьeəm tovar

Košovskəj rajoniš kolhozzeznь abu nekьeəm šnavzeņno. Rajpotrebojuziš predsedatel Švorin bezdejstvujtə.

Štepanov

Koram Tixonətskəj brigadaəs

Mijə kolhozničaez Pjaťinskəj brigadaiš, Zubova Jevdokija Kuzmovna, Zubova Matrjona Pavlovna, Zubova Natalja Prokopjevna da mədikkez, voštam as vьlanьm ovjazatelstvo končitnь šev maj 11 lunəz i koram as šəranьm vətčьnь Tixonətskəj brigadaəs, brigadir Tarasovəs. Mijə, jort Tarasov, tьnьt predjavljatam socialističeskəj sčot, medvь burzьka te pondin peššnь vьlьn urozaj ponda, en pondь pozoritnь aslat uməl uzən mijanliš vьdsən kolhozəsə. Ed tenat, jort Tarasov, talunna lun kezə kəzətnь toko 36 procent vьlə, a mijan brigadalən vəv-ves i morttes seeəməš-zə, no talun kezə kəzimə 75 procent vьlə. Etižə pəvedasə mijə zavojujtim uzaləmnə. Mijə vьd ašvь petam ьv vьlə 6 čas, ogə veš lunšə əstə etik minutə, uzalam, peššam kьzьv kernь unazьk, kəznь askadə, vošnь vьlьn urozaj.

Neaskadə kəznь, jort Tarasov, eta loə oikazitčьnь vьlьn urozajis, kolhoznikkezlən zazitočnostis.

Kolhozničaez: Zubova E. Zubova N., Zubova M.

Kotov

Ətik čas uzalənь—das čas sulalənь

Moskvinskəj MTS-iš direktor Aleksandrov kəzan kad ožьn ossešlis, sto sь MTS-ьn traktorrezsə təvnas vočisə vura, sto traktorrez pondasə uzavьnь orəlbtəg. No kьz-zə əni uzalənь traktorrez?

Batinskəj šelsovetn uzalənь kvət traktor. Pondisə nija uzavьnь əprel 24 lunšə i maj 2 lunəz—8 lunən gərišə 78 ga, kultivirujtisə 41 ga, kəzišə 37 ga. Vot i vьdəs uz!

Traktorrez ətik čas uzalənь, a das čas sulalənь. Lunnas podžakəez kerənь kuimišən, no uzьs i mestaiš oz vəzь. Traktoristtez norašənь, sto traktorrez vočəmaš təvnas uməla, sija-zə vaitə i brigadir traktornəj otrjadis Rodjanov i MTS-iš starsəj agronom Gavov, a direktor Aleksandrov suə, sto vьdəs vinvatəš traktoristtez, sto nija nem oz vezərtə traktorrezəs,

sijen i oz kuzə vьeəmika uzavьnь, a sьvəgnь,—Aleksandrov suə—mijan traktoristtezlən ьzьt peregruzka, sijen zugalənь traktorrezlən čəsttez.

Vot eta dejstvitelno „vaznəj“ ovjašneņno!

Mukəd MTS-eznь etik kollesnəj traktor vьlьn staxanovecsez sutkinas gərənь 15 gektarən, a Moskvinskəj MTS-lən traktorrez gərənь

2,12 gaən! I eta Aleksandrov šerti loə peregruzkaen!

Mijə sovetujtam jort Aleksandrovlə nekьssьnь „objektivnəj pričinaez“, a veškətlьnь MTS-ən bolševistskəja, oz kov slə vunətnь, sto sija-zə otvečajtə traktoristtezəs velətam ponda i vospitvajtəm ponda.

